

ԼԵԶԱԲԱՆԱԿԱՆ ՏԵՐՄԻՆՆԵՐԻ ԿԱՌՈՒՑՎԱԾՔԱ-ԻՄԱՍՏԱՅԻՆ
ՎԵՐԼՈՒԾՈՒԹՅԱՆ ՄԻ ՔԱՆԻ ՀԱՐՑԵՐ

Լ. Հ. ՂԱԶԱՆՉՅԱՆ

Ներկայումս գիտության տարբեր բնագավառների զարգացման շնորհիվ տերմինակազմության խնդիրների ուսումնասիրությունը գնալով ավելի է զրավում տերմինաբանների ուղադրությունը: Մասնագետները գտնում են, որ տերմինների տարբեր տիպի կաղապարների առանձնացումը, որոշակի հասկացություններ բնորոշող տերմինների միատիպ կառույցների վերհանումը և ընդհանրապես տերմինակազմության գործընթացի օրինաչափությունների ամբողջական ուսումնասիրությունը ոչ միայն տեսական, այլ նաև խիստ գործնական նշանակություն ունի¹:

Քանի որ տերմինները, վերջին հաշվով, բառեր են, ուրեմն դրանց կազմությունն էլ ընդհանուր առմամբ նույնն է, ինչ որ բառերինը: Բայց լեզվական այդ երկու պրոցեսների միջև որոշ տարբերություն կա, որը պայմանավորված է բառերի և տերմինների տարբերությամբ: Լեզվի ընդհանուր գործածական բառերի առաջացումը ավելի շատ (կամ ինչ-որ չափով) տարերային բնույթ ունի (խհարկե տվյալ դեպքում բոլորովին չի անտեսվում առանձին գրողների, հեղինակների բառակերտման նորարարությունը), այն դեպքում, երբ տերմինների կազմությունը մեծ մասամբ գիտակցված, կազմակերպված բնույթով է ընթանում: Իհարկե, այս գործում մեծ դեր են կատարում գիտության տարբեր ճյուղերի մասնագետները: Այս կապակցությամբ Գ. Վինոկուրը նկատում է, որ տերմինները ոչ թե «ի հայտ են գալիս», այլ «հնարվում», ստեղծվում են, երբ զգացվում է դրանց անհրաժեշտությունը²: Բայց, այնուամենայնիվ, տերմինների կազմությունը կատարվում է տվյալ լեզվում եղած բառերի հիման վրա և անպայման այդ իսկ լեզվի բառակազմական օրենքների հաճախ: Հետևաբար, տերմինակազմության վերլուծության ժամանակ, բնականաբար, պետք է առաջնորդվել լեզվաբանության կողմից մշակված բառակազմական վերլուծության ընդհանուր սկզբունքներով³:

¹ Տերմինակազմության օրինաչափությունների ուսումնասիրման մասին տե՛ս В. Н. Семичев, Вопросы терминологического словообразования (автореферат канд. диссерт.), М., 1968.

² Տե՛ս Г. О. Винокур. О некоторых явлениях словообразования в русской технической терминологии, «Труды Моск. ин-та истории, философии и литературы», т. V, М., 1939, էջ 24:

³ Նման հարցերի վերլուծության ժամանակ հիմք ենք ընդունել ինչպես հայ, այնպես էլ սովետական մյուս լեզվաբանների բառակազմության (բառագիտության) վերաբերյալ եղած նշանակալից ուսումնասիրությունները: Տե՛ս Մ. Աբեղյան, Հայոց լեզվի տեսություն, Երևան, 1965: Գ. Սևակ, Ժամանակակից հայոց լեզվի դասընթաց, Երևան, 1955: Н. М. Шанский, Очерки по русскому словообразованию, М., 1968. К. А. Левковская, Теория слова, принципы ее построения и аспекты изучения лексического материала, М., 1962 և մի շարք ուրիշ աշխատություններ:

Սովետական լեզվաբանները ժամանակակից բառակազմական վերլուծության հիմնական թերությունները համարում են այն, որ չեն տարբերակվում լեզվի մակարդակները, համաժամանակությունը և տարժամանակությունը, բառակազմական կաղապարների բնույթն ու դրանց տեսակները և նման կարգի այլ խնդիրներ:

Լեզվաբանները գտնում են, որ բառակազմական վերլուծությունը կարելի է տանել թե՛ տարժամանակյա, և թե՛ համաժամանակյա տեսանկյունով⁴։ Բայց ուսումնասիրողների մեծ մասը տերմինակազմության վերլուծության ժամանակ առաջնությունը տալիս է երկրորդ մոտեցմանը:

Բառակազմության (մանավանդ տերմինակազմության) համաժամանակյա ուսումնասիրությունը նախապատվություն տալը բացատրվում է այն հանդամանքով, որ այս կարգի վերլուծությունների դեպքում չի կարելի ավելի վաղ շրջանում գոյություն ունեցող կապերն ու հարաբերությունները տեղափոխել ժամանակակից լեզվի բառակազմական համակարգը. այլ կերպ ասած, տերմինակազմության վերլուծությունը հստակորեն պետք է տարբերակվի ստուգաբանական մեկնություններից (հատկապես այն դեպքում, երբ նրա տվյալները օգտագործվում են բառի ժամանակակից կառուցվածքի բացատրության համար)⁵:

Վերլուծությունը կարելի է տանել տարժամանակյա տեսանկյունով այն դեպքում, եթե մեզ հետաքրքրողը բառակազմության (կամ տերմինակազմության) զարգացման հիմնական օրինաչափություններն ու միտումներն են:

Այս կարգի հետազոտություններում կարևոր է վերլուծության բառային և բառակազմական մակարդակների տարբերակման հարցը: Եթե մեզ հետաքրքրողը տերմինների գոյացման կամ կուտակման և դրանց աղբյուրների ու ուղիների որոշման հարցն է (այստեղ է մտնում նաև լեզվի ընդհանուր գործածական բառերի տերմինացման առանձնահատկությունների ուսումնասիրությունը), ապա թվում է, որ մենք գործ ունենք տերմինների վերլուծության բառային մակարդակի հետ: Մնացած դեպքերում, երբ խոսքը լեզվի բառակազմական որոշակի միջոցների (եղանակների) և համապատասխանաբար դրանցով դրսևորվող (արտահայտվող) տերմինների տարբեր տիպերի և կաղապարների մասին է, ապա արդեն մենք գործ ունենք տերմինների վերլուծության բառակազմական մակարդակի հետ⁶: Իսկ վերջինս պահանջում է կաղապարման եղանակի կիրառում⁷:

Ուրեմն, այս կարգի հետազոտությունների կարևոր խնդիրներից են տերմինարանական առանձին համակարգերի կառուցվածքային ու իմաստային առանձնահատկությունների բացահայտումը, հետևապես և տերմինների տարբեր տիպի կառույցների կազմությանը մասնակցող բառակազմական այնպիսի միջոցների ուսումնասիրությունը, ինչպիսիք են՝ բարդությունը, ածանցումը և կազմության շարահյուսական եղանակը⁸:

⁴ К. А. Левковская, *Նշվ. աշխ.*, էջ 32—33.

⁵ Н. М. Шанский, *Նշվ. աշխ.*, էջ 65, 73.

⁶ Տվյալ դեպքում լեզվաբանական տերմինաբանության վերլուծության համար զիսավորապես հիմք ենք ընդունում երկրորդ մոտեցումը:

⁷ Л. В. Сахарный, О двух уровнях синхронного словообразовательного анализа. «Вопросы методологии и методики лингвистических исследований», Уфа, 1966, էջ 158—159.

⁸ Տերմինակազմության միջոցներից է նաև հապավումը, որը լեզվաբանական տերմինների

Ըստ կառուցվածքի լեզվաբանական տերմիններն էլ հետևյալ ընդհանուր խմբերի են բաժանվում՝ պարզ, ածանցավոր, բարդ, բարդ-ածանցավոր և բաղադրյալ⁹:

Պարզ կամ արմատական տերմինները մյուսներից տարբերվում են այն բանով, որ դրանց կազմությանը լեզվի բառակազմական ոչ մի միջոց էլ չի մասնակցում, ուստի և այն որակում ենք որպես պարզ կառույց:

Ինչպես բազմաթիվ հետազոտությունները, այնպես էլ ներկա ուսումնասիրությունը ցույց տվեց, որ նման կառույց ունեցող տերմինները ամեն մի գիտության (այս դեպքում և հայ լեզվաբանության) տերմինաբանության շատ քիչ տոկոսն են կազմում: Այս երևույթը պայմանավորված է ներլեզվական և արտալեզվական գործոններով: Նախ՝ պարզ բառեր այժմ չեն ստեղծվում (իսկ եղածն էլ քիչ է և այդ քիչ շնչին մասն է գործածվում որպես տերմին) և երկրորդ՝ այս կաղապարով կառուցված տերմինները գիտական բարդ հասկացություններ (և դրանց իմաստային տարբեր խմբեր) արտահայտելու նույն կարողությունը չունեն, ինչ մյուս տիպի կաղապարներով կառուցված տերմինները: Սակայն այս կարգի տերմինները գործառական տեսակետից որոշ առավելություն ունեն. նախ՝ կարճ են և դրանով իսկ բավարարում են տերմինի տեսական պահանջմունքներից մեկը: Բացի այդ, նման կաղապար ունեցող տերմինները գործածվում են մեծ հաճախականությամբ (թեև դրանց ընդհանուր քանակը շատ քիչ է). այնուհետև՝ դրանք տերմինների մի շարք կաղապարների և համապատասխանաբար լեզվաբանական բազմաթիվ հասկացություններ արտահայտող տերմինների կազմության համար հիմք են հանդիսանում՝ տարբեր կարգի կառույցներում մեծ մասամբ հանդես գալով գլխավոր բաղադրիչի դերում:

Տերմինների այս տիպի կաղապարը պայմանականորեն կարելի է արտահայտել հետևյալ կերպ՝ $\overline{A}$:

Հայ լեզվաբանական դրականության մեջ գործածվող պարզ տերմիններից են՝ արմատ, բայ, բառ, բարբառ, բուն, գիր, դեմք, լեզու, կապ, կերպ, հոդ, հիմք, հոլով, շեշտ, սեռ, տառ, ոն, վանկ և այլն:

Տերմինների մյուս տիպի կաղապարների կազմությանը մասնակցում է լեզվի բառակազմական այս կամ այն միջոցը:

Ածանցմամբ կերտվում են տերմինների ընդհանուր կաղապարների հետևյալ տիպերը՝ ածանցավոր, բարդ-ածանցավոր տերմինները (փաստորեն այս կաղապարի կազմությանը միաժամանակ մասնակցում է բառակազմության երկու միջոց), ինչպես նաև բաղադրյալ տերմինների առանձին անդամները:

Խոսելով բառակազմական այս միջոցի մասին, պետք է հաշվի առնել այն հանդամանքը, թե նման եղանակը տերմինակազմության համար առավելություն է ներկայացնում, թե՞ ոչ: Առավելությունը ոչ միայն մեծ քանակությամբ տերմիններ ստեղծելն է, այլ ավելի շուտ այն, որ ածանցմամբ տերմինները համակարգման են ենթարկվում իմաստային և կառուցվածքային առումով:

Կազմությանը չի մասնակցում. այն մեծ մասամբ լայն կիրառություն ունի տեխնիկական տերմինաբանության մեջ:

9 Վերջին տեսակը ռուս մասնագիտական դրականության մեջ մեծ մասամբ որակվում է տերմին-բառակապակցություն (термин-словосочетание) անվանմամբ: Այս ընդհանուր կաղապարի բնորոշման համար որոշ պայմանականությամբ գործածում ենք բաղադրյալ ավանդական տերմինը:

Ածանցման միջոցով կերտվում են տերմինների կազմության հետևյալ տիպերը՝ ա) տերմիններ, որոնց կազմությանը մասնակցում են միայն նախածանցները, բ) տերմիններ, որոնց կազմությանը մասնակցում են միայն վերջածանցները, գ) տերմիններ, որոնց կազմությանը մասնակցում են նախածանցները և վերջածանցները միաժամանակ¹⁰։

Ածանցավոր տերմինների վերոհիշյալ ընդհանուր կաղապարները պայմանականորեն դժադրի վրա կարելի է արտահայտել հետևյալ կերպ՝ Ա)

$\boxed{a} - \boxed{A}!$, Բ) $\boxed{A} - \boxed{b}!$, Գ) $\boxed{a} - \boxed{A} - \boxed{b}$, որտեղ a -ն նախածանցն է, b -ն՝ վերջածանցը, իսկ A -ն՝ բառը կամ բառի մի մասը (արմատ, հիմք)։

Այս ընդհանուր կաղապարների (Ա, Բ, Գ) քննության ժամանակ, բնականաբար, մեզ պետք է հետաքրքրեն լեզվաբանական տերմինաբանության մեջ հատուկ դեր խաղացած ածանցները (իմաստի մասնագիտացման տեսանկյունից), այլև հիշյալ կաղապարներին պատկանող տերմինների որոշակի (մասնավոր) կառույցները։

ա) Նախաձանցավոր տերմիններ կամ ածանցավոր տերմիններ Ա կաղապար. հայ լեզվաբանական տերմինների կազմությանը մասնակցել են անդր-, քաղ-, գեր-, ենթ-, դեռ-, մակ-, համ-, հակ-, նախ-, ներ-, շաղ-, շար-, պար-, փոխ- և մի շարք այլ նախածանցներ։ Եվ եթե հաշվի առնենք ածանցավոր տերմինների երրորդ՝ նախաձանցավոր-վերջաձանցավոր տիպը, ապա վերջինիս կազմությանը մասնակցած նախածանցներից հիմնականում կարելի է առանձնացնել հետևյալները՝ ան-, աղ/ա/-, առ-, արտ-, բակ-, բաց-, հար-, հոմ-, ստոր-, տար-, վեր- և այլն (փաստորեն այս նախածանցները տերմինների կազմության ժամանակ հիմնականում միանում են վերջածանց ունեցող բառերին)¹¹։

Պարզ է, որ ներկայումս վերոհիշյալ նախածանցներից ոչ բոլորն են կենսունակության և կանոնավորվածության նույն աստիճանով մասնակցում լեզվաբանական տերմինների կազմությանը (հասկանալի է, որ դրանք, ինչպես և մյուս նախածանցները, ընդհանուր գործածական բառերի կերտման ժամանակ այլ կերպ են դրսևորվում)։

Լեզվաբանական տերմինների այս կաղապարի կազմության մեջ ամենից ավելի կանոնավորված կերպով հանդես են գալիս նախ-, ենթ- և մի շարք այլ նախածանցներ¹²։

Նախաբառ կամ բառի մի մաս մասնավոր կաղապարով են կազմված և այժմ էլ կիրառվում են լեզվաբանական հետևյալ տերմինները՝ նախդիր, նախաձանց, նախաձև, նախալեզու, նախարառ, նախաբալ և այլն։

¹⁰ Բարդ-ածանցավոր տերմինների տիպի մասին կիսովի առանձին։

¹¹ Տերմինների այս կաղապարի և հետևապես դրանց կազմությանը մասնակցող նախածանցների մասին կիսովի առանձին։

¹² Մեր խնդիրը չէ պարզել յուրաքանչյուր նախածանցի ծագման պատմությունը, դրանց համապատասխանությունը հունարենի այս ու այն նախածանցներին կամ նախդիրներին։ Այս հարցերի լուսաբանմանը տարրեր առիթներով անդրադարձել են շատ հայագետներ։ Տե՛ս, օրինակ, վերջերս հրապարակված մի ուշադրավ ուսումնասիրություն՝ Ա. Մ ո լ ր ա դ յ ա ն, Հուսարան դպրոցը և նրա դերը հայերենի քերականական տերմինաբանության ստեղծման գործում, Երևան, 1971, էջ 134—152։

Ենթ-ով կազմված տերմիններից ոչ բոլորն են այժմ կիրառվում: Ներկայումս, բացի հին տերմիններից, կան նաև նորակազմություններ՝ ենթակա, ենթամնա, ենթաբարբառ, ենթաշերտ և այլն:

Ածանցավոր տերմինների Ա կաղապարի կազմությանը ավելի պակաս կանոնավորվածություններ են մասնակցում մակ- և համ- նախածանցները: Այդ կարգի տերմիններից են՝ մակբայ, մակդիր, մակաշերտ (ինչպես նաև երբեմնի մականուն բառը), համանուն, համանիշ, համաբարբառ և այլն:

Տերմինների այս կաղապարը կերտող ոչ կենսունակ նախածանցներից են՝ բաղ-, դեր-, հոմ-, ներ-, շաղ-, պար- և այլն: Դրանցով կազմված տերմիններից են՝ բաղածայն, դերանուն, դերբայ, հոմանիշ, ներկա, ներածանց, շաղկապ, պարագա և այլն:

բ) Վերջածանցավոր տերմիններ կամ ածանցավոր տերմինների Բ կաղապար. նման կառույց ունեցող տերմինները ածանցավոր կազմությունների մեջ լայն տարածում ունեն:

Վերջածանցների միջոցով բառերի կազմության առավելությունը նախածանցների համեմատությամբ ակնառու կերպով ի հայտ է գալիս գիտական տերմինների կազմության մեջ: Վերջածանցները, ավելի հստակ, քան նախածանցները, համապատասխան բառը բնորոշում են ինչպես կառուցվածքային, այնպես էլ իմաստային կոնկրետացված հատկանիշներով:

Հետազոտվող բնագավառի տերմինների կազմությանը մասնակցում են -ակ, -ական, -իշ, -յուն, -որդ, -վ/ած/f/, -ուրյուն, -ում, -ույթ, -ույց և մի շարք այլ վերջածանցներ:

Լեզվաբանական տերմինների դերում, ինչպես հայտնի է, խոսքի մասերից գերազանցապես կիրառվում են գոյականները և ածականները (վերջիններս էլ փոխանվանաբար): Հետևաբար, լեզվում գոյություն ունեցող տարբեր խոսքի մասեր կերտող բաղմաթիվ վերջածանցներից լեզվաբանական տերմինների կազմության մեջ հիմնականում հանգես են գալիս գոյականակերտ և ածականակերտ վերջածանցները: Առաջին տեսակի վերջածանցներից են՝ -ած, -ակ, -իշ, -յալ/ < եալ/, -յուն, -ուրյուն, -ում, -ույթ, -ույց: Ածանցների այս խումբը կերտում է վերջածանցավոր տերմինների մի տեսակը (գոյական-տերմիններ): Քանի որ լեզվաբանական տերմինների մեծ մասը արտահայտում է վերացական հասկացություններ, ուստի և այդ տիպի տերմինների կազմության համար ամենից ավելի հաճախակի հայոց լեզվում գործածվում է դեռևս հին ժամանակներից եկող -ուրյուն (< ութին) վերջածանցը: Տերմինների կազմության այս մասնավոր կաղապարով (բառ կամ բառի մի մաս + ուրյուն վերջածանց) ընդհանրապես կազմվում է ածանցավոր տերմինների գերակշռող մասը: Այդ կարգի տերմիններից են՝ գրուրյուն, քեֆականուրյուն, կցականուրյուն, հերքագայուրյուն, ձայնեղուրյուն, վերջավորուրյուն, ֆմայնուրյուն և այլն:

Տերմինների այս տիպի կազմությունը միշտ էլ կենսունակ է եղել հայ լեզվաբանական տերմինաբանության զարգացման բոլոր փուլերում: Եվ այդ կենսունակությունը առավել ակնհայտ կերպով ի հայտ է գալիս ներկա ժամանակաշրջանում, քանի որ լեզվաբանական նոր տերմինների գերակշռող մասը (իհարկե, ածանցավոր) կազմվում է նման կաղապարով:

Բացի կենսունակությունից տերմինների կազմության այս կաղապարը օժտված է որոշակի կանոնավորվածությամբ (թե՛ իմաստներ արտահայտելու, և թե՛ հաճախակի հանդիպելու տեսակետից):

Կառուցվածքային նման կաղապարով կազմվում են լեզվաբանության տարբեր բաժինների ու գիտակարգերի անվանումները: Այսինքն, այս դեպքում կառուցվածքային կաղապարին համապատասխանում է իմաստային մի առանձին կաղապար (բառ կամ բառի մի մաս+ուրյուն → լեզվաբանության բնագավառ): Օրինակ՝ լեզվաբանություն, դարձվածաբանություն, իմաստաբանություն, հնչյունաբանություն, ձևաբանություն, ստուգաբանություն, բերականություն և այլն:

Տերմինների կազմության մյուս կենսունակ վերջածանցը (գոյականակերտ) –ում–ն է: Հայ լեզվաբանական գրականության մեջ հանդիպող այս ածանցով կազմված տերմիններից են՝ զեղչում, լրացում, խոնարհում, հոլովում, հնչույթավորում, մասնիկավորում, ոնավորում, սղում, ստորոգում և այլն:

Եթե վերոհիշյալ վերջածանցները հայոց լեզվի և հայ լեզվաբանական մտքի զարգացման տարբեր փուլերում ունեցել են տերմինակազմական արժեք, ապա գոյականակերտ –ույթ ածանցը հիմնականում այդ հատկանիշից չի ունեցել: Երկար ժամանակ այս ածանցը բառակազմական արժեք է ունեցել միայն լեզվի ընդհանուր գործածական բառերի շրջանակում (դրանով ժամանակին կազմվել են լեզվաբանական հատուկենտ տերմիններ): Ածանցավոր տերմինների կազմության այս մասնավոր կաղապարը (բառ կամ բառի մի մաս+ույթ վերջածանց) սկսում է կենսունակություն ձեռք բերել սովետական շրջանի հայ լեզվաբանության մեջ: –Ույթ–ով (որն, ի դեպ, միանում է տարբեր խոսքի մասերին կամ բառերին ու բառարմատներին) հիմնականում կազմվում են լեզվի մակարդակների նվազագույն միավորներն արտահայտող տերմիններ, որոնց հիմքում զխավորապես ընկած են լեզվաբանական նորագույն հասկացություններ: Այսպես, օրինակ՝ րսույթ, արժույթ, բառույթ, գրույթ, քեֆույթ, իմաստույթ, կցույթ, հերթագայույթ, հնչույթ, ձևույթ (վերջին երկուսը ավելի վաղ կազմություններ են), տիրույթ, տրոֆույթ, բերականույթ և այլն¹³:

Այս կաղապարի կենսունակությունը ապացուցվում է այն փաստով, որ օտարլեզվյան բազմաթիվ տերմինների (իհարկե որոշակի կարգի հասկացություններ բնորոշող) թարգմանության դեպքում որպես բառակազմական միջոց կանոնավորապես օգտագործվում է –ույթ վերջածանցը:

Ինչպես –ույթ–ով կազմության կաղապարը, այնպես էլ այլ կարգի լեզվաբանական տերմիններ կերտող բառ կամ բառի մի մաս+ակ վերջածանց կառույցը լայն տարածում է գտել և կենսունակություն է ձեռք բերել ժամանակակից անդրլեզվում (իհարկե, սա նախորդներից ավելի նվազ կենսունակ կաղապար է): Այս կաղապարով կառուցված տերմինների հիմքում ընկած է լեզվաբանական որոշակի հասկացությունների դաս:

–Ակ–ն էլ տարբեր խոսքի մասերին միանալով (ինչպես նաև բայահիմք, բայարմատ), կազմում է վերջածանցավոր տերմինների ընդհանուր կաղապարներից մեկը՝ գոյական–տերմիններ (ի դեպ, այս վերջածանցը որոշ մասնակցություն ունի ածական–տերմինների կազմության ժամանակ): Այս կարգի տերմիններից են՝ ամանակ, հնչակ, տարբերակ, փոփոխակ, ձևակ և այլն:

¹³ Այստեղ չեն բերվում –ույթ–ով կերտված այն տերմինները, որոնց կազմությանը մասնակցում են տարրեր նախածանցների:

Գոյականակերտ մյուս ածանցներով (-իչ, -յալ, -ույց, -որդ, -իկ, -յուն, -ած) կազմված լեզվաբանական տերմինների կաղապարները ավելի նվազ կենսունակ են, քան նախորդները: Այդ վերջածանցներով կերտված տերմիններինք են՝ հատկացուցիչ, որոշիչ, հատկացյալ, որոշյալ, ստորոգյալ, հանգույց, ձևորդ, ձայնորդ, լծորդ, մասնիկ, հնչյուն, դարձված:

Վերջածանցավոր տերմինների մյուս տեսակը կազմվում է ածականակերտ ածանցներով: Այս կաղապարը պայմանականորեն կարելի է կոչել «ածական-տերմիններ»: Եթե նախորդ կաղապարներով կազմված տերմինները (գոյական-տերմիններ) անկախ են դործածվում, ապա սրանք նախ և առաջ բաղադրյալ տերմինների մի անդամն են կազմում (այսպես՝ ուղղական, սահմանական և այլ «ածական-տերմիններ» փաստորեն կիրառվում են առանց երկրորդ անդամների՝ հոլով, եղանակ): Առանձին գործածվելու դեպքում վերոհիշյալ կաղապարով կազմված տերմինները, փաստորեն, փոխանվանաբար են հանդես գալիս (այսպես՝ եթե գոյական, ածական, քվական և նման կարգի տերմինները դիտում ենք որպես կապակցության բաղադրիչներ, ապա դրանք ածականներ են, իսկ առանձին միավոր դիտվելու դեպքում գոյականի արժեք են ձեռք բերում):

Ածականական կազմությունների մեջ ամենից ավելի կենսունակ և կանոնավորապես հանդիպողը -ական վերջածանցով տերմիններն են: Հիշյալ ածանցով տարբեր խոսքի մասերից և բայարմատներից կազմվում են ածականներ, որոնք արտահայտում են մի շարք իմաստներ՝ հարաբերություն, պատկանելություն, հատկանշային վերաբերություն և այլն. ածական, գոյական, ըղձական, քվական, հայցական, պայմանական, սահմանական, տրական, ցոյական, ուղղական և այլն¹⁴:

Վերջածանցավոր տերմինների ամենից անկենսունակ կաղապարը «մակ-բայ-տերմիններն» են (բառ կամ բառի մի մաս+/ա/բար վերջածանց): Այդ տերմիններից այժմ գործածվում են միայն երկուսը՝ աշխարհ-/ա/բար, գր-/ա/-բար, որոնք վաղ կազմություններ են և ներկայումս կորցրել են մակ-բայական արժեքը:

զ) Նախածանցավոր-վերջածանցավոր տերմիններ կամ ածանցավոր տերմինների Գ կաղապար. այս կաղապարը ավելի կենսունակ և տարածված է, քան սոսկ նախածանցավոր տերմիններինը: Սրանց կազմությանը դարձյալ կենսունակորեն և կանոնավորված կերպով մասնակցում են -ույթյուն, -ում, -ույթ գոյականակերտ ածանցները (եթե խոսքը ածանցների հիշյալ հատկանիշների մասին է): Տվյալ դեպքում էլ նկատվում է վերջածանցների կիրառության կարգավորվածություն, որն, ինչպես հայտնի է, բավարարում է տերմինաբանության տեսական պահանջմունքները (տերմինաբանության համակարգայնության պահպանումը իմաստա-կառուցվածքային առումով):

Հիշյալ կառուցն ունեցող տերմինների կազմությանը ավելի շատ տարբեր նախածանցներ են մասնակցում, քան վերջածանցներ, բայց ինչպես միշտ, այս դեպքում էլ վերջիններս ավելի կենսունակ և տարածված են: Ան-, ապ-, համ- նախածանցներով կերտվում են բազմաթիվ լեզվաբանական տերմիններ:

¹⁴ «Ածական-տերմինների» մյուս մասնավոր կաղապարների քննությանը չենք անդրադառնում, քանի որ դրանք մեծ մասամբ հանդես են գալիս ոչ թե առանձին, այլ բաղադրյալ տերմինների մյուս անդամների հետ միասին:

Ան- ժխտական նախածանցը հիմնականում միանում է -ուրյուն վերջածանց ունեցող բառերին: Այս մասնավոր կաղապարը պայմանականորեն կարելի է արտահայտել հետևյալ կերպ՝ ան- նախածանց+բառ կամ բառի մի մաս+ -ուրյուն վերջածանց, կամ էլ՝ ան-+ -ուրյուն վերջածանցավոր բառ:

Պարզ է, որ այս կարգի տերմիններն էլ արտահայտում են լեզվաբանական վերացական հասկացություններ: Այսպես օրինակ՝ ան-կանոն-ուրյուն, ան-որոշ-ուրյուն, ան-մասնիկավոր-ուրյուն, ան-շաղկապ-ուրյուն, ան-համաձայն-ուրյուն, ան-հոգնական-ուրյուն և այլն¹⁵:

Լեզվաբանական աշխատությունների հիման վրա կատարած ուսումնասիրությունը ցույց տվեց, որ տերմինների կաղմության այս կաղապարը նոր է սկսում կենսունակություն և կանոնավորվածություն ձեռք բերել:

Ապ/ա/- նախածանցը մեծ մասամբ միանում է -ում վերջածանցավոր բառերին: Այսպես օրինակ՝ ապ/ա/-իմաստավոր-ում, ապ/ա/-մասնիկավոր-ում, Եւպ/ա/-ձայնեղաց-ում, ապ/ա/-ոնգայնաց-ում, ապ/ա/-հնչույրավոր-ում, ապ/ա/-սուրկանաց-ում և այլն:

Համ/ա/- նախածանցով կաղմված տերմինների համար բնորոշն այն է, որ այդ կաղապարը դարձյալ ձևավորվում է -ուրյուն վերջածանցով: Հայ լեզվաբանական գրականության մեջ տարածված այդ կարգի տերմիններից կարելի է հիշատակել մի քանիսը՝ համ/ա/-դարձ-ուրյուն, համ/ա/-ձայն-ուրյուն, համ/ա/-ժամանակ-ուրյուն, համ/ա/-բան-ուրյուն և այլն:

Վերջին ժամանակներս ածանցավոր տերմինների Գ կաղապարի կաղմության մեջ կենսունակություն են ձեռք բերել գեր-, ենթ-, մակ- նախամասնիկները, որոնք գլխավորապես միանում են -ույր վերջածանցավոր բառերին (տերմիններին): Այս մասնավոր կաղապարով (գեր, ենթ, մակ/ա/-+ բառ կամ բառի մի մաս+ույր) է կաղմված կառուցվածքային լեզվաբանության տերմինների մի առանձին խումբը՝ գեր-հնչ-ույր, գեր-ձև-ույր, գեր-շարահուս-ույր, ենթ/ա/-հնչ-ույր, ենթ/ա/-գր-ույր, ենթ/ա/-ձև-ույր, մակ/ա/-հնչ-ույր, մակ/ա/-ձև-ույր և այլն:

Տերմինների բառակաղմական հիշյալ կաղապարը կերտող մյուս նախածանցներից են՝ արտ-, ստոր-, փոխ- և մի շարք ուրիշներ: Դրանցից յուրաքանչյուրով կաղմված տերմինների կաղապարները կերտվում են տարբեր վերջածանցներով: Այսպես՝ արտ/ա/-սան-ուրյուն, արտ/ա/-սան/վ/-ածք, արտ/ա/-բեր-ում, ստոր-ոգ-ում, ստոր-ոգել-ուրյուն, փոխ-անուն-ուրյուն, փոխ-առ-ուրյուն, փոխ-արկ-ում, փոխ-արկ-ույր և այլն¹⁶:

¹⁵ Կաղապարներն ավելի հստակ ներկայացնելու համար տվյալ դեպքում առանձնացնում ենք միայն նախածանցները և վերջածանցները և ոչ թե տերմինի բոլոր տարրերը: Այսպես, տերմինները (ինչպես նաև ընդհանուր գործածական բառերը) կարելի է բաժանել հետևյալ մասերի՝ ան-մասն-իկ-ավոր-ուրյուն, ան-շաղ-կապ-ուրյուն և այլն:

¹⁶ Ածանցավոր տերմինների Գ կաղապարի կաղմությանը մասնակցող մյուս նախածանցներով (առ-, բակ-, բաղ-, բաց-, նախ-, ներ-, շար-, տար-, վեր-) կառուցված տերմինները, ի տարբերություն լեզվի ընդհանուր գործածական բառերի, շատ քիչ են և, ինչպես ցույց տվեց նախածանցավոր տերմինների քննությունը, դրանց մի մասը անկենսունակ է: Թվարկված նախածանցներով և մի շարք տարրեր վերջածանցներով կաղմված տերմիններից են՝ աղբուրյուն, բակաուրյուն, բացախուր, բաղաբուրյուն, նախալսուրյուն, ներմամնավորում, ջարահյուսուրյուն, տարմանուրյուն, վերհնչույրավորում և այլն:

Տերմինակազմության մյուս միջոցը բառաբարդումն է։ Վերջինս գիտական տերմինների կերտման ժամանակ հայերենի նման լեզվում ածանցման համեմատությամբ իր բոլոր հնարավորությունները չի դրսևորում¹⁷։

Բառաբարդմամբ կերտվում են բարդ և բարդ-ածանցավոր տերմինները (իհարկե, վերջինիս կազմությանը մասնակցում է նաև ածանցումը)։ Բարդ տերմինների կառուցը մի շարք առավելություններ ունի։ Նախ՝ դրանով արտահայտվում են բարդ հասկացություններ։ Երկրորդ՝ դրանք նպաստում են տերմինաբանության մեջ բազմիմաստության վերացմանը, որն, ի դեպ, բարդ բառերի բնորոշ առանձնահատկությունն է¹⁸։ Այս կաղապարը կենսունակ է և ունի կառուցվածքային կայուն համակարգ, քանի որ դրա նմուշով ստեղծվում են բազմաթիվ նոր բարդ տերմիններ։

Բարդ տերմիններին պատկանող մասնավոր կաղապարները կարելի է վերհանել հենց այդ ընդհանուր կաղապարը (սա իրենից ներկայացնում է համադրական տիպի կաղապար) տարբեր մոտեցումներով քննելուց հետո։

Նախ քնենք բարդ տերմինների բնույթը ըստ բաղադրիչների քանակի միացության (այս հանգամանքը հաշվի է առնվում, քանի որ տերմինների մեջ բաղադրիչների քանակը որոշակի դեր է խաղում)։ Հայերենի համար լեզվաբանական բարդ տերմինների բնորոշ կաղապարը երկանդամ կառույցներն են։

Ըստ բաղադրիչների միացման միջոցի բարդ տերմինների մեջ առանձնանում են երկու տիպի կառույցներ՝ հոդակապավոր և անհոդակապ։ Այս կաղապարները պայմանականորեն կարելի է արտահայտել հետևյալ կերպ՝

$\boxed{A} \boxed{c} \boxed{B}$ և $\boxed{A} \boxed{B}$, որտեղ A-ն և B-ն առանձին բառեր են (բաղադրիչները), իսկ c-ն՝ հոդակապը։ Վերլուծությունը ցույց տվեց, որ հայերենում այս կառույցի բնորոշ տիպը հոդակապավոր տերմիններն են։ Վերջիններս բարդ տերմինների ընդհանուր թվի 88%-ն են կազմում, իսկ մնացած 12%-ը անհոդակապ բաղադրություններն են։ Այս երկու մասնավոր կաղապարներով կառուցված տերմիններից են՝ բարբառ-ախումբ, հնչյուն-աշարք, հոդ-ապալ, ձայն-ապալ, մասնիկ-ախումբ, վանկ-աբուն, վերջ-ապետ, բայ-անուն, բառ-իմաստ, կերպ-ածանց, ձայն-դարձ, սոսկ-ածանց և այլն։

Նայած այն հանգամանքին, թե բարդ տերմինի բաղադրիչները որոշակի ինչ խոսքի մասերի են պատկանում, ըստ այդմ էլ առանձնանում են ձևաբանական հետևյալ տիպի կաղապարներ՝ գոյական+գոյական (Գ+Գ), ածական+գոյական (Ա+Գ), թվական+գոյական (Թ+Գ), դերանուն+գոյական (Դր+Գ)։ Պարզ է, որ բարդ տերմինների կազմության այս մասնավոր կաղապարները կենսունակության նույն աստիճանը չունեն և նույն կանոնավորվածությամբ հանդես չեն գալիս։ Տերմինների այս կարգի կառույցների մեջ ամենից ավելի կենսունակը և տարածվածը Գ+Գ կաղապարն է։ Այս մասնավոր կաղապարով կազմված են բարդ տերմինների գերակշռող մասը՝ բառ-ապաշար, բառ-ամասնիկ, բառ-անհոդված, բառ-աջանկ, բայ-ափիմք, լեզվ-անյուղ, լեզվ-արևմտանիք և այլն։

Բարդ տերմինների ձևաբանական մյուս տարածված կաղապարը Ա+Գ կառույցն է։ Թեև այս տիպի կաղապարով կառուցված տերմինները շատ քիչ են

¹⁷ Այսպես, տերմինակազմությանը չեն կարող մասնակցել կրկնավոր, հադադիր և կցական բարդությունները։

¹⁸ Տե՛ս К. А. Левковская, Именное словообразование в современной немецкой общественно-политической терминологии, М., 1960, էջ 35։

նախորդի համեմատությամբ, բայց, այնուամենայնիվ, խոսքի մասերից երկրորդը ածականն է, որ գործուն կերպով մասնակցում է լեզվաբանական տերմինների կազմությանը: Նման կաղապարով են կերտված գաղտն-ա-վանկ, մանր-ա-կաղապար, մեծ-ա-կաղապար, մեծ-ա-տառ, սոսկ-ածանց, ծածկ-ա-լիզու և մի շարք այլ տերմիններ:

Մյուս մասնավոր կաղապարներով բարդ տերմինների կազմությունը այնքան էլ բնորոշ չէ և քիչ է հանդիպում լեզվաբանության տերմինաբանական համակարգում: Այսպես, Թ+Գ կառույցն ունեցող տերմիններից կարելի է հիշատակել հետևյալները՝ բազմ-ա-բարբառ, երկ-բարբառ, եռ-ա-բարբառ, քառ-ա-բարբառ և մի քանի այլ բարդություններ: Առավել քիչ տարածված են Դր+Դ կաղապարով կազմված տերմինները. օրինակ՝ նույն-անուն, նույն-ա-նիշ և այլն:

Մնացած խոսքի մասերի կամ բայահիմքերի և գոյականի միացությունից կազմված տերմինները հատուկենտ են և լրիվ անկենսունակ:

Բարդ տերմինների մյուս տեսակի կաղապարները կարելի է վերհանել դարձյալ անմիջական բաղադրիչների վերլուծության եղանակով: Հաշվի առնելով այս կառույցի բաղադրիչների բնույթը՝ ըստ տերմինների և ոչ տերմինների պատկանելության, պարզվում է, որ այս դեպքում ի հայտ են գալիս չորս կարգի կաղապարներ: Բոլոր հնարավոր կաղապարներով էլ լեզվաբանական տերմիններ կերտվում են:

Բարդ տերմինների մեջ ամենից ավելի բնորոշը և տարածվածը $S+\overline{S}$ կաղապարն է¹⁹: Դրանով են կերտված բառ-ա-պատկեր, բառ-ա-պաշար, լեզվ-անյուղ, հնչյուն-ա-պատկեր, տառ-ա-նիշ, տառ-ա-ձև և շատ ուրիշ տերմիններ:

Մյուս երկու կաղապարները՝ $\overline{S}+S$ և $\overline{S}+\overline{S}$ համարյա կենսունակության և կանոնավորվածության նույն աստիճանն ունեն: Առաջին կառույցով կերտված տերմիններից են՝ բոլոր-ա-գիր, գլխ-ա-բառ, գաղտն-ա-վանկ, մեծ-ա-տառ, սոսկ-ածանց և այլն: Երկրորդ կառույցն ունեն՝ առաջ-ա-դիր, զուգ-ա-ձև, հիմն-ա-ձև, ձայն-ա-նիշ և մի շարք այլ տերմիններ:

Բարդ տերմինների այն կաղապարը, որի երկու բաղադրիչներն էլ լեզվաբանական տերմիններ են ($S+S$), մյուսների նման կանոնավորված կերպով հանդես չի գալիս: Այսպես օրինակ՝ բառ-ա-շեշտ, բալ-անուն, բառ-ա-հիմք, վանկ-ա-գիր և այլն:

Վերոթվարկյալ օրինակները ցույց են տալիս, որ բարդ տերմինի բաղադրիչները առանձին վերցրած կարող են բազմիմաստ լինել (մանավանդ, երբ բաղադրիչի դերում հանդես է գալիս լեզվի ընդհանուր գործածական բառ), բայց բարդ տերմինը ամբողջությամբ մենիմաստության հատկանիշ է ձեռք բերում²⁰:

Լեզվաբանական տերմինների մյուս ընդհանուր կաղապարի՝ բարդ-ածանցավոր ախյի ($\boxed{A} + \boxed{B} - \boxed{C}$) կազմությանը, փաստորեն , մասնակ

¹⁹ S -տերմին, $\overline{S}$ -ոչ տերմին: Ոչ տերմինն արտահայտության տակ նկատի են առնվում թե՛ լեզվի ընդհանուր գործածական բառերը, և թե՛ լեզվաբանության մեջ գործածվող ուրիշ գիտությունների այն տերմինները, որոնք դեռևս չեն արմատացել լեզվաբանական տերմինաբանության մեջ:
²⁰ К. А. Левковская, նշվ. աշխ., էջ 43:

ցում են բառակազմության երկու միջոցները միաժամանակ (բարդություն և ածանցում)։

Քանի որ ածանցման ու բարդության և հետևապես դրանցով կազմված տերմինների տարբեր կաղապարների մասին մանրամասն խոսվել է, ուստի տվյալ դեպքում բավարարվենք միայն այս կարգի կառույցն ունեցող մի շարք տերմինների թվարկմամբ՝ բառ-ա-կազմ-ուրյուն, կիս-ա-շփ-ական, հնչյուն-ա-փոխ-ուրյուն, ձև-ա-հնչ-ույր, վանկ-ա-գր-ուրյուն, տառ-ա-դարձ-ուրյուն և այլն։

Տերմինաբանական համակարգերի ամենից ավելի բնորոշ տիպը բաղադրյալ տերմիններն են։ Ինչպես ցույց են տալիս լեզվաբանների մեծ մասի հետազոտության արդյունքները, գիտության մի որևէ բնագավառի ամբողջ տերմինների մոտավորապես 70%-ը արտահայտվում է նման կաղապարով։ Փաստորեն, ժամանակակից տերմինաբանական համակարգերի բնորոշ գիծը վերլուծականության ձգտումն է (այսինքն բաղադրյալ անվանումների կառուցումը)։

Տերմինաբանական համակարգերում նման տիպի տերմինների տարածված լինելը օրինաչափ և բնական է։ Դրանց անհրաժեշտությունը պայմանավորված է մի շարք հանգամանքներով։ Նախ՝ տերմինների մեջ այս կառույցները առանձնանում են իրենց բացառիկ համակարգայնությամբ։ Երկրորդ՝ այդ ուղիով նշանակալից կերպով ընդլայնվում է արդեն իսկ հայտնի նյութի հիման վրա նոր տերմինների կազմության հնարավորությունը²¹։

Հայերենի լեզվաբանական տերմինների ուսումնասիրությունը նույնպես ցույց տվեց, որ տերմինների գերակշռող մասը այս կառույցով է կերտվում (տերմինների ընդհանուր թվի 70%-ից ավելին)։

Ըստ բաղադրիչների քանակի տերմինների այս տիպի մեջ առանձնանում են երկանդամ, եռանդամ և բազմանդամ կառույցներ²²։

Հայերենի լեզվաբանական տերմինների համար բնորոշը երկանդամ տերմինների կաղապարն է ($\boxed{A} - \boxed{B}$), որն ամենակենսունակն է և դրանով կազմված տերմինները ամենից ավելի մեծ թիվ են կազմում (բաղադրյալ տերմինների ընդհանուր թվի 81%-ից ավելին, իսկ տերմինների ընդհանուր թվի 58%-ը)։ Մասնագետները գտնում են, որ տերմինաբանության մեջ համակարգայնացնող հատկանիշով ամենից ավելի օժտված են բաղադրյալ տերմինների երկանդամ կառույցները։ Սրանք ճշգրիտ կերպով ցույց են տալիս հասկացությունների համակարգում տվյալ հասկացության տեղը²³։

Երկանդամ բաղադրյալ տերմինների ձևաբանական կաղապարներից ամենից ավելի կենսունակը և կանոնավորապես հանդիպողը Ա+Գ կառույցն է (նման կազմությունները երկանդամ բաղադրյալ տերմինների ընդհանուր թվի 80%-ից ավելին են)։ Ձևաբանական այս կաղապարի կենսունակության և տարածվածության բարձր աստիճանը պայմանավորված է ոչ միայն ներլեզվական, այլ թերևս ավելի շատ արտալեզվական գործոններով՝ լեզվաբանության մեջ եղած տերմինացվող հասկացությունների բնույթով։

21 Г. О. Винокур, *Նշվ. աշխ.*, էջ 45։

22 Բաղադրյալ տերմինների մեջ իբրև բաղադրիչ հանդես եկող բարդ բառերը (տերմինները) դիտում ենք որպես միաբառ կազմություն։

23 Նման առավելությամբ օժտված են նաև երկանդամ բարդ տերմինները։

Ա+Գ կաղապարով կազմված տերմիններից են՝ անվանական բառակապակցություն, բաց վանկ, երկար երկբարբառ, իսկական կապ, խառը հոլովում, կալուն շեշտ, ներքին քեֆում, փակ վանկ, օժանդակ բայ և այլն:

Երկանդամ բաղադրյալ տերմինների ձևաբանական մյուս կաղապարը՝ Գ+Գ, ավելի պակաս կենսունակ է, քան նախորդը: Այս կառույցն ընդգրկող տերմինները կազմում են երկանդամ բաղադրյալ տերմինների ընդհանուր թվի մոտավորապես 13%-ը: Այդ կարգի տերմիններից են՝ անջատման նշան, բառի նշանակություն, ենթակայի լրացում, խոնարհման հարացույց, հնչյունի երկա-րություն, նախադասության անդամ և այլն:

Բացի սրանցից, երկանդամ բաղադրյալ տերմինների մեջ առանձնանում են ձևաբանական մի քանի այլ կաղապարներ՝ Դր+Գ (եղանակավորող բառեր, զեղչված նախադասություն, նախահավելված ձայնավոր, շփոթվող բառեր, ֆարացած հոլովածներ և այլն), Թ+Գ (առաջին, երկրորդ ապառնի, երկակի քիվ, զրո վերջավորություն, կրկնակի հոլովում և այլն): Վերջին երկու կաղապարներով կառուցված տերմինները երկանդամ կառույցների ընդհանուր թվի հազիվ 7% են կազմում (փաստորեն, սրանք անկենսունակ և անկանոն կերպով դրսևորվող կառույցներ են):

Երկանդամ բաղադրյալ տերմինների մյուս կարգի կաղապարներից (բաղադրիչների բնույթը ըստ տերմինների և ոչ տերմինների պատկանելության)

ամենից ավելի կենսունակը և կանոնավորապես դրսևորվողը $\overline{S}+S$ կառույցն է: Վերջինս երկանդամ բաղադրյալ կառույցների ընդհանուր թվի 49% է կազմում: Նման կաղապարով կերտված տերմիններից են՝ անկանոն հոլովում, բաց վանկ, դարտուղի խոնարհում, ժխտական նախածանց, լիակատար առեմանում, խառը հոլովում, հիմնական ձևույթ, ձևի պարագա, պարզ ստորոգյալ և այլն:

Ուսումնասիրությունը ցույց տվեց, որ երկանդամ տերմինների մեջ, բնականաբար, այս մասնավոր կաղապարը պետք է տարածված լիներ: Սա պայմանավորված է այն հանգամանքով, որ ընդհանուր առմամբ լեզվաբանական տերմինի դերում պետք է հանդես գա երկրորդ անդամը, քանի որ առաջինը լրացնողն է և նպատակահարմար է, որ արտահայտվի լեզվի ընդհանուր գործածական բառով:

Երկանդամ բաղադրյալ տերմինների կանոնավորապես դրսևորվող մյուս կաղապարը արտահայտվում է $\overline{S}+\overline{S}$ կառույցով: Նման կաղապարն ունեցող տերմինները երկանդամ կառույցների ընդհանուր թվի 22,5% են կազմում: Այդ կարգի տերմիններից են՝ բառիմաստի ընդլայնում, ենթակայի խումբ, լեզվի կառուցվածք, խոսքի մասեր, նախադասության անդամ, շարահյուսական միա-վոր, վանկի կենտրոն, ֆեռականական կարգ և այլն:

Երկանդամ բաղադրյալ տերմինների մյուս մասնավոր կաղապարի մեջ հանդես եկող երկու անդամներն էլ լեզվաբանական տերմիններ են ($S+S$): Այս կաղապարով կերտված տերմինները երկանդամ կառույցների ընդհանուր թվի 20,5% են կազմում: Նման կարգի տերմիններից են՝ անանցավոր բառ, բայական ստորոգյալ, դարձվածարանական հոմանիշ, շեշտակիր վանկ, վանկային գիր, ֆեռականական համանունություն և այլն:

Եվ վերջապես, երկանդամ բաղադրյալ տերմինների մյուս մասնավոր կաղապարն այն է, որի երկու բաղադրիչներն առանձին վերցրած լեզվաբանական տերմիններ չեն (այսինքն, մեծ մասամբ լեզվի ընդհանուր գործածական բա-

ոեր են)։ Երկու անդամների միացությունն է, որ տվյալ կառույցին տալիս է տերմինային արժեք։ Սակայն այս կաղապարը ($\overline{S}+\overline{S}$ երկանդամ բաղադրյալ տերմինների մեջ ամենաանկենսունակն է և, բնականաբար, դրանով կերտված տերմինները շատ քիչ են հանդիպում (սրանք երկանդամ բաղադրյալ տերմինների ընդհանուր թվի 8%-ն են կազմում)։ Այս կարգի տերմիններից են՝ առանձնահատուկ արտահայտություն, գաղափարական վերլուծություն, «խաշավորման տեսություն», վիճակի կարգ, փոխազդեցական տարբերակներ և այլն։

Ինչպես ասվեց, բաղադրյալ տերմինների մյուս ընդհանուր կաղապարը Նոանդամ կառույցներն են։ Պարզ է, որ այս տերմինակառույցի երկու կարգի հնարավոր կաղապարների քանակը պետք է ավելի շատ լինի, քան նախորդներինը՝ ի հակառակ դրանցով կազմված տերմինների ընդհանուր թվի և կենսունակության աստիճանի։ Եռանդամ կառույց ունեցողները բաղադրյալ տերմինների ընդհանուր թվի 15%-ն են կազմում։

Եռանդամ բաղադրյալ տերմինների մեջ ձևաբանական բնորոշ և կենսունակ կաղապարը $\overline{S}+\overline{S}+\overline{S}$ կառույցն է, որի միջոցով կազմվում է եռանդամ բաղադրյալ տերմինների մեծ մասը։ Այսպես՝ անխկական բարդ բառ, առաջնալեզվային պայքական բաղաձայն, բարդ ստորադասական նախադասություն, ընդհանուր պատմական հնչյունափոխություն, ժամանակակից հայոց լեզու և այլն։

Ձևաբանական մյուս երեք կաղապարները ըստ նվազող կենսունակության հետևյալներն են՝ $\overline{S}+\overline{S}+\overline{S}$ (բարբառների հնչյունական դասակարգում, բայի ժխտական ձև, լեզուների համեմատական փերականություն և այլն), $\overline{S}+\overline{S}+\overline{S}$ (առաջնային շարֆի ձայնավոր, բաց վանկի օրենք, կցական տիպի լեզու և այլն), $\overline{S}+\overline{S}+\overline{S}$ (լեզվի զարգացման փուլ, խոսքի մասերի փոխանցում, ձայնավորների ներդաշնակության օրենք և այլն)։

Ձևաբանական մնացած կաղապարների քանակը թեև շատ է, բայց գրանցով կազմված տերմիններ շատ քիչ են հանդիպում։

Եռանդամ տերմինների մյուս կարգի կաղապարներից ամենից կենսունակը և կանոնավորապես դրսևորվողը $\overline{S}+\overline{S}+\overline{S}$ կառույցն է։ Ի տարբերություն երկանդամների, որոնցում իբրև տերմին գլխավորապես հանդես է գալիս վերջին բաղադրիչը, այստեղ վերջին երկու բաղադրիչները մեծ մասամբ ընդհանուր գործածական բառեր են։ Նման կարգի տերմիններից են՝ ածականների համեմատության աստիճաններ, բառի ներքին ձև, լեզվական արտահայտության միջոցներ, հնչյունի երկարության նշան և այլն։

Մյուս կաղապարները (ըստ նվազող կենսունակության) կազմված են հետևյալ զուգորդություններով՝ $\overline{S}+\overline{S}+\overline{S}$ (արդի գրական հայերեն, բարձր աստիճանի ձայնդարձ և այլն), $\overline{S}+\overline{S}+\overline{S}$ (բարդ ածանցավոր բառ, երկրորդական պարագայական նախադասություն և այլն), $\overline{S}+\overline{S}+\overline{S}$ (երկրորդական խոսքի մասեր, եռաստիճան բաղաձայնական համակարգ և այլն), $\overline{S}+\overline{S}+\overline{S}$ (անշաղկապ բարդ նախադասություն, բայական բաղադրյալ ստորոգյալ և այլն), $\overline{S}+\overline{S}+\overline{S}$ (բայի եղանակային ձևեր, բառերի շարահյուսական կապ), $\overline{S}+$

$+S+S$ (աշխատանքային նիշերի տեսություն, անմիջական բաղադրիչների վերլուծություն) և $S+S+S$ (անցյալ կատարյալի հիմք):

Բաղադրյալ տերմինների մյուս ընդհանուր կաղապարը արտահայտվում է բազմանդամ (քառանդամ և ավելի) կառույցներով: Այստեղ հնարավոր կաղապարների թիվը բոլորից էլ շատ է (սպարդ է, որ դրսևորվածների գերակշռող մասը անկենսունակ է), բայց այս կարգի կաղմությունները բաղադրյալ տերմինների աննշան տոկոսն են կազմում:

Այս կառույցների անկենսունակությունը պայմանավորված է մի շարք հանգամանքներով: Նախ որ գործառական տեսակետից դիտական տերմինաբանության համար բոլորովին էլ նպատակահարմար չէ այդքան երկար կաղմությունների կիրառությունը: Նման կարգի տերմինները առաջացնում են տնտեսման սկզբունքի խախտում, որն է անգամի բաց թողման հնարավորություն է ի հայտ գալիս: Երկրորդ, որն ամենակարևորն է, այս կառույցները մեծ մասամբ ընդունակ չեն դիտական հասկացությունները դիպուկ և ըստ հնարավորին ճշգրիտ բնորոշելու: Եվ որքան տերմինի բաղադրիչների քանակը ավելանում է, այնքան էլ ալդ կարգի կաղմությունները դառնում են նկարագրական բնութի: Բաղմանդամ կառույց ունեցող տերմիններից են՝ բառապաշարի հարստացման ներքին միջոց, երկրորդական կարգի երկրորդական նախադասություն, շեշտի հետ կապված հնչյունավորություն և այլն:

Այստեղ, ինչպես և նախորդ կառույցների տարբեր կաղապարների դեպքում, խոսքի մասերի կիրառության նույն պատկերն է առկա (այսինքն՝ տերմինների բաղադրիչների դերում գերադանցապես հանդես են գալիս գոյականները և ածականները): Իսկ մյուս կարգի կաղապարների մասին կարելի է ասել, որ բաղադրիչների դերում ավելի շատ հանդես են գալիս լեզվի ընդհանուր գործածական բառերը, քան թե լեզվաբանական տերմինները:

Լեզվաբանական տերմինաբանության համակարգում (ինչպես նաև այլ գիտությունների բնագավառներում) եղած գծիկավոր գրությամբ տերմինները նպատակահարմար ենք գտնում առանձնացնել մյուսներից և դիտել որպես առանձին մասնավոր կաղապար ներկայացնող տերմինակառույց²⁴: Ի դեպ, այս կարգի տերմինների ընդհանուր քանակը լեզվաբանական տերմինաբանության մեջ չնչին տոկոս է կազմում:

Այս կարգի կառույցներում առանձնանում են հետևյալ տիպերը՝ միանդամ տերմիններ (թեև իրականում անդամների քանակը երկուսն է, բայց այն դիտվում է որպես մեկ բարդ հասկացություն արտահայտող կաղապար), երկանդամ և եռանդամ տերմիններ: Նման կառույցները կարծես մոտենում են բարդ և բաղադրյալ տերմինների տիպին:

Միանդամ տերմիններ՝ բառ-հասկացություն, բառ-նախադասություն, բայ-ստորոգյալ, հիմք-լեզու և այլն:

Երկանդամ տերմիններ՝ հարցա-հարաբերական դերանուններ, վանկաբառային հապավում, իջնող-բարձրացող շեշտ և այլն:

Եռանդամ տերմիններ՝ ֆերականական-մեկնաբանական աշխատությունների Լեքաշրջան, իմաստա-կառուցվածքային մեկնաբանության Էնթաշրջան, կառուցվածքա-հարաբերակցային մեկնաբանությունների Էնթաշրջան և այլն:

²⁴ Տերմինների այս տիպի ֆունկցիան մասին տե՛ս Ա. Շ. Դոտտե, Образование и правописание трехэлементных научно-технических терминов, М., 1969.

Այսպիսով, հայ լեզվաբանական տերմինաբանության ուսումնասիրությունը (բառակազմական վերլուծության ընդհանուր սկզբունքներից) պարզում է գիտության այս բնագավառի տերմինների կառուցվածքա-իմաստային մի շարք օրինաչափություններն ու առանձնահատկությունները. Լեզվաբանական տերմինների կազմությանը կենսականորեն և կանոնավորված կերպով մասնակցում են բառակազմության ձևաբանական և շարահյուսական եղանակները. որոնց էլ ընդհանրապես պատկանում է ժամանակակից տերմինաբանական համակարգերի վարգացման առաջատար դերը: Տերմինների բոլոր տիպի կառույցներն էլ գլխավորապես կերտված են հայոց լեզվի ներքին միջոցներով: Դրանով է պայմանավորված այն հանգամանքը, որ օտարլեզվյան փոխառյալ տերմինների քանակը այս բնագավառում չնչին տոկոս է կազմում:

НЕКОТОРЫЕ ВОПРОСЫ СТРУКТУРНО-СЕМАНТИЧЕСКОГО АНАЛИЗА ЛИНГВИСТИЧЕСКИХ ТЕРМИНОВ

Л. О. КАЗАНЧЯН

(Резюме)

Исследование армянской лингвистической терминологии на основе общих принципов словообразовательного анализа выявляет некоторые структурно-семантические закономерности и особенности терминов.

Общие словообразовательные модели этих терминов следующие: простые, производные, сложные, сложнопроизводные и составные (термины-словосочетания), которые в свою очередь представлены рядом частных моделей морфологического и семантического характера.

Простые термины в системе лингвистической терминологии составляют незначительную часть, производные же — довольно многочисленны. По убавляющейся продуктивности и регулярности среди моделей производных терминов выделяются следующие: суффиксальные (в образовании этих терминов активно участвуют *-ություն*, *-ում*, *ութ* и некоторые другие суффиксы), префиксально-суффиксальные и префиксальные. Самыми типичными из моделей сложных терминов являются двучленные, в которых различаются два типа. Анализ сложнопроизводных терминов показывает, что в их образовании активно участвуют те же суффиксы, что и в производных.

Подавляющее большинство (более 70 процентов) терминов составляют термины-словосочетания (двучленные, трехчленные и многочленные). Выделенные два типа моделей составляют комбинации, которые по убавляющейся продуктивности и регулярности образуют следующую картину: $A + S$, $S_{gen} + S$, $Num + S$, $Part + S$ и $\bar{T} + T$, $T + \bar{T}$, $T + T$, $\bar{T} + \bar{T}$.

Выясняется, что подавляющее большинство лингвистических терминов образовано внутренними средствами армянского языка.